

Saopćenje za javnost

**Druga javna debata-monitoring realiziranja planiranih aktivnosti u periodu 15.2.-15.3.2008. godine
«Počinioci i žrtve krivičnih djela su naša djeca-spriječimo maloljetničku delikvenciju»
UNITIC, 14.3.2008. 13.00-17.15**

CKD je, kao što je 15.2.2008.godine bilo najavljeno, održao drugu javnu debatu sa ciljem monitoringa realiziranih aktivnosti na rješavanju problema maloljetničkog prijestupništva u periodu 15.2.-15.3.2008.godine. Nakon prvog susreta odogovrnih i zainteresiranih predstavnika vlasti i civilnog društva napravljen je prvi i najteži korak, uspostavljena je komunikacija sa istim ciljem: prevazići problem. Na drugoj debati pokušali su se utvrditi propusti i odgovornost svih angažiranih u prevazilaženju identificiranoga problema, kroz «polaganje računa» pred javnošću. To je razlog što se tijekom debate često mogla čuti konstatacija da se pojedini predstavnici institucija vlasti osjećaju kao:

na optuženičkoj klupi, kao kod suca, kao da moraju da odgovore na pitanja, da su na debati zato što imaju dobru volju, a nisu morali...No usprkos ovome raduje činjenica da su organi vlasti, uprave, sudstva, policije itd. sada ostvarili direktnu komunikaciju sa zainteresiranim udruženjima civilnog društva, kao i da je registrirana odgovornost, ili bolje reći nedostatak odgovornosti u borbi sa ovim problemom.

Dokumenti koji su analizirani tijekom debate su:

- **Saopćenje za javnost CKD od 15.2.2008. – od preporučenih aktivnosti ovoga saopćenja:**
- U medijima objaviti spisak ugostiteljskih objekata u kojima se učestalo dešavaju evidentirani incidenti-nasilje i sukobi – NIJE OBJAVLJEN
- Izuzeti Zakon o Zavodima iz paketa zakona o socijalnoj zaštiti koji nisu regulirani – NIJE IZUZET
- Tražiti javno saopćenje na narednoj debati od Federalnog ministarstva pravde, ministarstva sigurnosti i ministarstva za ljudska prava u vezi sa statusom i situacijom u odjeljenju za maloljetnike u KP Zenica- STANJE U KP ZENICA ZADOVOLJAVAJUĆE; Federalno Ministarstvo pravde radi u dva paralelna pravca: normativno pravni i praktični; formirane dvije skupine koje će izaći sa prijedlogom izmjene i dopune i niveliranja kaznenog zakona i zakona o kaznenom postupku Za mjesec-dva se očekuju rezultati. Radi se i na formiranju institucija za zbrinjavanje maloljetnih delikvenata. Problemi sa formiranjem ovih novih institucija leže u lokalnoj zajednici. Na zahtjev prisutnih da se dobiju imena koordinacionog tima na izmjeni zakona - NISU data imena stručnjaka.
- Ojačati suradnju: obitelj-škola-policija-centri za socijalni rad-NVO-specijalizirane institucije sa ciljem razvoja sigurnosti – NIJE PREZENTIRANO OJAČANJE SURADNJE
- Identificirati pojedinačnu odgovornost ne objavljivanja Strategije za prevenciju maloljetničke delikvencije – VIJEĆE MINISTARA BiH
- Verificirati Strategiju za prevenciju maloljetničke delikvencije i promptno je početi primjenjivati – VERIFICIRANA 19.2.2008. godine, JOŠ SE NE PRIMJENJUJE
- Naredni odobreni projekti treba da budu u skladu sa Strategijom – NEMA INFORMACIJE O ODOBRENIM PROJEKTIMA od Ministarstava. Kvantitativni pokazatelji su prezentirani **iz gradske uprave**, a koji će se ogledati kroz tendere za osnovne i srednje škole, za kulturno stvaralaštvo, ozelenjivanje sportskih površina, pomoć Školi Vladimir Nazor, postavljanje rasvjete ispred škole za medicinske sestre, podržano osnivanje Fondacije Denis Mrmjavac na prijedlog KŠC-a, uspostavljena saradnja sa direktorima centara za socijalni rad kroz pravljenje analize postojećeg stanja (KONKURS ČE BITI OBJAVLJEN 17.03.2008. GODINE)
- Donijeti HITNO Zakon o izvršenju sankcija – AKTIVNOST U TIJEKU
- Uspostaviti komisije za pitanja mladih pri općinskim vijećima, Gradu i Kantonu, a tamo gdje postoje dati mnogo veći značaj uvezivanjem volonterskog rada i slobodnog vremena – NIJE OBAVLJENO
- Obezbijediti sredstva za vannastavne aktivnosti-škole otvoriti besplatno za učenike subotom i nedjeljom – Vidi Grad; NEMA INFORMACIJE DA SU ŠKOLSKE SALE VRAĆENE NA BESPLATNO KORIŠTENJE UČENICIMA
- Učenicima obezbijediti besplatno korištenje sala za tjelesni odgoj – NIJE POKRENUTA OVA AKTIVNOSTI,

- Povećati odgovornost medija prema informacijama koje se odnose na kriminogene skupine i kriminal općenito u cilju smanjenja afirmiranja ovih pojava- NEMA INFORMACIJE
- U svim školama održati sastanke i predavanja na temu maloljetničkog prijestupništva – ODRŽANI SASTANCI
- Formirati Vijeća roditelja osnovnih i srednjih škola na nivou Kantona- NIJE FORMIRANO
- Hitno pristupiti realizaciji «Akcionog plana prevencije u KS u segmentu odgoja i obrazovanja» usvojenu na sastanku direktora i pedagoga KS održanom u KŠC Sv. Josip u Sarajevu, a na prijedlog Ministarstva obrazovanja KS – NISU uposleni novi psiholozi i socijalni radnici, POKRENUTO održavanje stručnih rasprava, NISU napravljeni dodatni programi i mjere prevencije spominju se aktivnosti iz prvog polugodišta; NISU započeti dodatni projekti za rad sa djecom mlađom od 14 godina, NISU pokrenute nove i dodatne aktivnosti na temu rješavanja konflikta mirnim putem. Navode se aktivnosti koje se redovno odvijaju na časovima odjeljenske zajednice i predmeta kultura življenja, kao i da se najveći broj razrednika osposobljen za ove aktivnosti, UPUĆEN DOPIS svim nastavničkim fakultetima da se profesionalna praksa studenata, budućih nastavnika dijelom usmjeri na aktivnost pomoći studenata u učenju i organiziranju slobodnog vremena, u školama ODRŽANI TEMATSKI roditeljski sastanci koji podstiču učenje roditelja o njihovoj ulozi, NISU pokrenuti dodatni projekti podizanja informiranosti i svijesti o štetnosti upotrebe droga i drugih psihoaktivnih supstanci - spominju se projekti realizirani u prvom polugodištu, a čiji nastavak se očekuje u drugom; NISU pokrenuti posebni programi stručnog usavršavanja relevantnih kadrova – jer je rok za početak realizacije ove aktivnosti 15.4.2008., ODRŽANI tematski sastanci direktora i pedagoga svih škola u KS, NIJE formirano vijeće roditelja osnovnih i srednjih škola na nivou KS (analiza napravljena prema izvještaju PPZ-a prezentiranom tijekom debate)

ANALIZA realiziranih aktivnosti za:

Strategiju protiv maloljetničkog prijestupništva za BiH (2006.-2010) i Akcionog plana Vlade Kantona Sarajevo od 9.2.2008. se nalazi na web stranici CKD-a: www.ckd.edu.ba, a analiza Akcionog plana u segmentu odgoja i obrazovanja je prethodno predstavljena, jer je bila jedna od preporuka za hitno rješavanje na prvoj javnoj debati od 15. 02.2008.

- Mjera ograničenog kretanja za maloljetnike u periodu od 23.00 sata se još ne primjenjuje, jer nije objavljena u Službenim novinama

Preporuke:

- najavljena naredna debata za 15.04.2008. godine sa ciljem praćenja implementacije NOVIH AKCIONIH PLANOVA resornih ministarstava, nastavak praćenja implementacije postojećih akcionih planova, kao i implementacija Strategije
- Insistirati na uključivanju resornih ministarstava koja se do sada nisu oglasila o implementaciji aktivnosti, a spominju se u preporukama sa prve debate